




NAMA I
TUPANAXŮTAWA
NAWA
INGUXŮ



© 2011 World Missionary Press, Inc.. Meryl Esenwein art on pages 10, 12, 14, 16, 27, 29, 39, 41, 42, 44, 46, 47, and 48.
The Bible text used for the New Testament verses is from TUPANAARÜ ORE, Usado con permiso La Liga Bíblica, 16801 Van Dam Road, South Holland, IL 60473, Las Sagradas Escrituras Para Todos.

Tupana nanaxü ga daxũguxũ i naane rü ñoma 1 i naane rü guxũma i nawa maxẽxũ.

“Rü noxriarü ügügu rü Tupana nanaxü ga ñoma i naane....”
Ügü (Génesis) 1:1

“Rü Nanexũ nixĩ ga namuxũ ga Tupana na naxüãxũcax ga
guxũma i tacü i ñuxma ngexmaxũ i daxũguxũ i naanewa rü
ñoma i naanewa....” Coróchacüãx 1:16

“Rü...Tupana i daxũguxũ i naane rü ñoma i naanearü üruxũ
rü tá pexũ narüngũxẽẽ. Rü ngema daxũguxũ i naane
rü...Tupanaarü nixĩ, rü ngema ñoma i naane rü duũxũgüna
nanaxã.” Wiyaegü (Salmos) 115:15, 16

Ñoma ga naane rü name ga yexguma Tupana yatüna
naxãxgu. ¡Nüxũ nadaumatü i ñaa popera na nüxũ cucuáxũ-
cax na tacü üpetüxũ!



“Rü yexguma ga Tupana rü nügümaa ñanagürü:—Ngĩxã tanaxü i duĩxũ na taxrũũ naãẽxũ nacuáxũcax rü norü yora yixĩxũcax i guxũma... ñanagürü.” Ügü (Génesis) 1:26

**Tupana nanaxü ga yatü rü
maxü nüxna naxã.**

3

“Rü yexguma . . . Tupana naxüxgu ga . . . yatü, rü waixü^ũmütewa nanaxü. Rü maxü^ũmaxa naráügu nacie . . . ”

Ügü (Génesis) 2:7

“ . . . Tupana rü ñanagürü: —Rü tama name na nüxica nangex-maxü ya yatü. Rü ngemacax tá chanaxü i wüxi i namücü na norü ngüxẽẽruü . . . yixĩxü^ũcax.”

Ügü (Génesis) 2:18

“ . . . Rü Cori ya Tupana rü ngxü^ũ naxü ga wüxi ga nge. Rü ñuxü^ũchi guma yatüxütawa ngxü^ũ naga.

Ügü (Génesis) 2:22

Adáũ rū Éba rū tama Tupanaga naxĩnũe.



Tama name na Chatanága ixĩnũexũ.

“Rü...Tupana yema naane ga Edéũgu namuxgu ga guma 5
yatü, rü nüxna naxãga na mea nüxna nadauxũcax ga guxũma
...Rü nanaxucuxẽ:—Marü name i cunangõx i guxũma i ñaa
naanewa ngexmaxũ...natürü ngema nanetü i cuax i mexũ, rü
cuax i chixexũ nawa ngexmaxũ, rü taũtáma cunangõx.
Erü ngexguma tá cunangõxgu rü...aixcũmaxũchi tá cuyu
—ñanagürü.” Ügü (Génesis) 2:15-17

**Ngema Äxtape i Ngexo ixĩxũ rüexna Chataná ixĩxũ rü
Tupanaxũ nidoragaaxũ rü yemaãcü nanawomüxẽ.**

“Rü...ga äxtape rü ñanagürü ngixũ: —Tama aixcũma nixĩ i
ngema. Rü taũtáma peyue...—ñanagürü. Rü ngima ga nge rü
iyacawe ga wüxipü ga norü o rü inangõx rü ngitemaa ingau rü
nüma rü ta nanangõx.” Ügü (Génesis) 3:4, 6

**Adáũ rū Éba rū marũ taxucürüwa
yema nachicawa nayexmagüecha.**



“Rũ yexguma ínataxüchiãguwena rū Edéũmaũgu nanamugũ
ga daxücüãx ga duũxügũ ga ixãxpexátüxũ, rū yexma nanaxú ta
ga wüxi ga tara ga iyauracüüxũ ga guxücüwagu yawexema-
ächixüxũ....”

Ügü (Génesis) 3:24

**Yema ngunexũ ga Adáũ rũ Éba nagu chixexũ 7
üexũ rũ wüxi ga ngechaũ nixĩ naxcax i
guxũma i duũxũgü.**



“Rũ wüxitama ga yatügagu nixĩ ga guxũma ga duũxũgüwa
nanguxũ ga pecádu....Rũ yemagagu nixĩ ga inaxügüxũ na
nayuexũ ga duũxũgü....” Dúmacüãx 5:12

Nangexma i tacü i nüxna icuaxãchixũ:

**Guxũma i duũxũgü rũ pecádumaa nabue, rũ wüxi i ngunex-
ũgu rũ tá tayue, erũ pecádugagu nixĩ i nangexmaxũ i yu.
(¡Wena nüxũ nadaumatü i Dúmacüãx 5:12!)**

8 Tupanaarü inü nixĩ ga Nane ya Cristu núma namuãxũ na tórü pecáduwa tũxũ inanguxũẽẽxũcax.



**Rü yema duũxũgütanüwa
na nanguxũcax ya Tupana
Nane, rü wüxi ga õxcha-
naãcü inangu.**

“Rü ngima tá ngixũ na-
ngexma i wüxi i ngine rü
cuma rü tá Ngechuchugu
cunaxüéga...erü nüma tá
norü pecádugüwa inana-
nguxũxẽẽ i norü duũ-
xũgü.” —Matéu 1:21

“...Rü guxũma i Tupanaarü pora rü Cristuwa nangexma.”

Coróchacũãx 2:9

Ngechuchu rü Tupana nixĩ rü duũxũxũ nügũ nixĩxẽxẽ.

9

“Naxũpa ga guxũma, rü marü nayexma ga Tupana Nane. Rü Tupanamaxa nayexma rü woetama Tupana nixĩ ga nümax. Rü nüma...rü narüduũ rü totanüwa nayexma...rü toma rü nüxũ tadaugũ.”
Cuáũ 1:1, 14

“Rü guxũma ga yema orearü ngeruũ nüxũ ixuxũ rü nangupetü: ...
—Rü tá ixãxacü i ngeema nge i taguma yatüxũ cuaxcü. Rü tá nayatü rü Emanué tá nixĩ i naéga....”
Matéu 1:22, 23

“Rü taxcax nabu i wüxi i õxchana....Rü ñaagü tá nixĩ i naé-gagü i namaa naxugüãxũ: Rü Mecümaxüchicü, rü Ucuxẽruũ ya nüxũ cuaxüchicü, rü Tupana ya Poraxüchicü, rü Tanatü ya taguma yücü, rü Tupana Nane ya ngüxmüxẽẽruxũ ixĩcü.”
Ichaía 9:6

10 Ngechuchu ya Cristu rü tórü ãmare ya mecü nixĩ i Tupanapewa.

“Cristu rü taguma pecádu naxü” 2 Corítiucüãx 5:21

“Nüma ga Cristu rü taguma pecádu
naxü” 1 Pedru 2:22

Nataxuma i to i ãmare i mexũ
i nüxũ iyarüngauxũ i ñuxãcü
nanaxoxẽẽ i tórü chixexũ.

“Yerü guma wocagü rü chibugü rü
tama naporá na iyanaxoxẽẽãxũcax ga
pecádugü.” Ebréugü 10:4

Ngechuchu nixĩ i Tupanaarü ãmare. “...Da nixĩ ya yima
Tupana núma namucü na nayuxũcax na...duũxũgüarü
pecáduxũ iyanaxoxẽẽxũcax.” Cuáũ 1:29



Ngechuchu rü inanaxã ga norü maxũ 11 na tũxũ namaxẽxẽxũcax.

Ngechuchu rü curúchawa nayapotagü ga duũxügü yerü naxchi naxaie. Natürü Tupanaarü ñnü nixĩ ga na Ngechuchu rü norü ngúchaũmaax inaxããxũ ga norü maxũ, rü yemaãcü cuxũ rü choxũ ínanguxuchixẽẽ nawa ga chixexügü.

Ngechuchu rü ñanagürü: “Taxúema choxũ tayuxẽẽ, natürü chorü ngúchaũmaatama ichanaxã i chorü maxũ...”

Cuáũ 10:18

Ngechuchu ya Cristugü nanaxütanü ga tórü pecádugü.

“Yerü tama uiru rüexna diëru i ngauxwaxũmaa nanaxütanü...natürü Cristugümaa nixĩ ga naxütanüãxũ.”


1 Pedru 1:19

**Tataxuma ya toguxe ya taxcax yúxe rü tũxna
nayaxúxe i tórü pecádu.**

12 “Rü ñuxma rü Tupanapewa time yerü taxcax nayu ga
Cristu....” Dúmacüãx 5:9

“...¡Choxna nacuaxāchi i
ngexguma ãëxgacüxü ícu-
nguxgu!” Lúca 23:42

Ñaa
ngítaxáxü rü
namaxü yerü
Ngechuchuãxü
nayaxõ.



“...Ñomatama
i ngunexügu
chomaa
cungexma i
mexëchixü i
naanewa.”
Lúca 23:43

Ñaa
ngítaxáxü rü
inarütaxu
yerü tama
Ngechuchuãxü
nayaxõ.

“...Yexguma ipecáduãxgügu nixĩ ga taxcax nayuxü ga
Cristu.” Dúmacüãx 5:8

**Guxãma ya yíxema Tupana Naneãxũ
yaxõxẽ rü tüxũ nangexma i maxũ.**

13

“Rü Tupana rü poraãcü nüxũ nangechaũ i ñoma
i naanecüãx i duũxügü. Rü yemacax inanamu
ga Nane ga nügümaa wüxicacü, na guxãma
ya texé ya nüxũ yaxõgüxe rü tama
itarütauxexũcax rü tüxũ nangexmax-
ũcax i maxũ i taguma gúxũ.”

Cuáũ 3:16

“Yerü nüma ga Tupana rü marü Chatanámexẽwa tüxũ ína-
nguxũxẽẽ rü Nane ya nüxũ nangechaũcümexẽwa tüxũ na-
ngexmagüxẽẽ. Rü guma Nanegagu nixĩ ga tüxũ namaxẽxẽxũ
rü tüxũ nüxũ nangümaxũ ga tórü pecádugü.”

Coróchacüãx 1:13, 14



“Rü yema orearü ngerüü
 rü ñanagürü : . . . ; Taxü i
 pemuüexü! Choma nüxü
 chacuax rü Naxcax pedaugü
 ya Ngechuchu ga guma
 curúchawa yapotagüãcü.
 Nataxuma i nua, erü wena
 namaxü, yema nüma üpa
 pema nüxü yaxuxürüü. . . .”

Matéu 28:5, 6

“Rü choma nixĩ i chamaxũxũ. Rü ũpa rü chayü, natürü i ñuxma rü marü guxũgutáma chamaxecha. Rü choxmexwa nangexma na ñuxgu tá nayuxũ i wüxichigü i duũxũ....”

Apocaríchiu 1:18

**Marü taxucaxma yuxũ tamuũẽ erü Cristu rü yuxũ
narüyexera rü naxmexwa nangexma i ngema.**

“Rü ngema i ngunexũ i nagu chamuũxũgu rü choma rü cuxna chacuaxãchi.”

Wiyaegü (Salmos) 56:3

**Ngechuchu rü cuxũ namaxẽẽ rü Nanatüna
naca na cuxũ nangũxẽẽxũcax.**

“Marü taxucaxma texé ya togue tingucuchi, erü nüma ya Ngechuchu rü tagutáma nayu. Rü aixcüma tüxũ namaxẽẽẽxũ ya guxãma ya yíxema norü ngũxẽẽmaxa Tupanaxütawa ngugüxe....”

Ebréugü 7:24, 25

16 Cuma rü choma rü tuxũ natauxcha na tuxũ nangexmaxũ i maxũ i taguma gũxũ.



¿Ngexũrũxũ i nama
yixĩxũ i nagu quixũxũ?

Ngechuchu ya Cristu nixĩ
i nama na Tupanaxũtawa
cunguxũcax rü cuxũ
nangexmaxũcax i maxũ i
taguma gũxũ.

Ngoxo i Chataná nixĩ i
nama i yuwa nadaxũ.

Daa bucũ rü nama i maxũ i taguma gũxũwa nadaxũgu nixũ.

¿Ngexũrũxũcax tá nixĩ i cumaxũxũ? 17

“...¡Rũ ñuxmatama nagu perũxĩnũe na tacũrũ tupanawe perũxĩxũ!....”
Yuchué (Josué) 24:15

“...¡Ëcũ penayaxu i maxũ na pemaxẽxũcax, rũ namaxẽxũcax i petaagũ!”
Deuterunómiu 30:19

Ngechuchu nixĩ i nama i maxũ i taguma gúxũwa nadaxũ.

“...Ngechuchuxicatama nixĩ ya tórũ maxẽxẽẽruũ...rũ yixicatama nixĩ ga Tupana tũxna namucũ na tũxũ namaxẽxẽẽxũcax....”
Puracũgũ 4:12


“Chaxicatama nixĩ i Cori ya Tupana chixĩxũ, rũ choweama rũ nataxuma i to i maxũ pexna ãxũ.”
Ichaía 43:11

18 ¿Tüxcüũ Ngechuchuxũ tayaxu?

1. Yerü nüma nixĩ ga núma naxũxũ.

“...Núma chaxũ na chanamaxẽxẽxũcax i duũxũgũ....”

Cuáũ 10:10



2. Yerü nüma ga Ngechuchu nixĩ ga tüxũ nangechaxũxũ rü taxcax nayuxũ.

“Rü...Tupana Nane...nixĩ ga choxũ ngechaũcü, rü nügũ inaxãxũ na chauxcax nayuxũcax.”

Gárataanecüãx 2:20

Ngechuchu rü nügũ narüduũ rü taxrũxũ naxãmachi rü naxãchina. “...Rü yema norü yumaxa nüxũ naporamae ga Chataná ga noxri nüxũ yexmaxũ ga pora na tüxũ

iyanatauxexẽẽxũcax, rü... Chatanámxẽwa tũxũ **19**
ínanguxũxẽẽxũcax ya guxãma ya yíxema noxri naxcax
muũexe ga na tayuexũ. Ebréugü 2:14, 15

3. Ngechuchugüxicatama nixĩ inaxũxũxũ i tórü chixexũgü.

“Rü yima Nagüxicatama nixĩ ya maxũwa tũxũ nguxẽẽcü.”
Lebítanüxũgüchiga (Lebíticu) 17:11

“...Rü Tupana Nane ya Ngechuchu rü Nagümaa tũxũ
inayanatauxẽẽ i guxũma i tórü chixexũ.” 1 Cuáũ 1:7

“Rü...tũxũ namaxẽxẽẽ rü tũxũ nüxũ inarüngüma i tórü
pecádugü.” Coróchacüãx 1:14



4. Ngechuchu ya Cristu nixĩ ga yuwa írüdacü.

“...Rü ñuxma na yuwa ínadxũ ya Cristu, rü tagutáma wena nayu, yerü nüma rü marü yuxũ narüyexera.”

Dúmacüãx 6:9

“Rü...guxũma ga duũxügücax nayu ga Cristu, na ngema du-
ũxügü i ñuxma maxẽxũ, rü tama nümatama nagu naxĩnüexũgu
namaxẽxücax, natürü Naxcax namaxẽxücax ya yima naxcax
yucü rü wena írüdacü.”

2 Corítiucüãx 5:15

Ngechuchu rü ñanagürü: “... —Rü tá pemaxẽ, erü choma
rü chamaxũ.”

Cuáũ 14:19

5. Rü tanaxwae na Ngechuchuxũ iyaxuxũ na tüxũ 21
nangexmaxũcax i maxũ i taguma gúxũ.

“...Rü Cristu rü pewa nangexma i ñuxmax, rü Nagaguxicatama
nixĩ i pexũ nangexmaxũ i pechica i daxũguxũ i naanewa....”
Coróchacüãx 1:27

“Rü ngexguma pewa namaũxgu i Naãxẽ ya yima Tupana ga
Ngechuchu ya Cristuxũ írüdaxẽẽcü, rü nümatátama...wena
nanamaxẽẽ i pexene i yuxwaexũ, rü Naãxẽ i Üünexũ i pewa
maxũxũ tá nixĩ i naxũxũ i ngema.”
Dúmacüãx 8:11

Ngexguma Ngechuchuxũ iyauxgügu rü
Naãxẽ i Üünexũ tawa nangexma.

“...Rü yíxema tama tüxũ nangexmaxe i Tupanaãxẽ i Üünexũ
i Cristu tüxna ãxũ, rü tama Cristuarü tixĩ.”
Dúmacüãx 8:9

22 Ngechuchu rü guxũma i buxũgũxũ nangechaũ.



“Rü ngema nacũmawa
nixĩ i nũxũ icuáxũ ya
wũxi ya ngextũũxcũ
nax aixcũma mexũgu
naxĩnũxũ rüexna
tama.”

Ucũxẽgũ
(Provérbios) 20:11

**Choxũ nangechaũ ya Ngechuchu,
norũ Popera chomaa nũxũ nixu.**

23

Ngechuchu rü ñanagürü: "... Chanaxwae i chauxũtawa naxĩ i buxũgü. ¡Rü taxũ i nũxna penachuxuxũ! Erü Tupana ãẽxgacü íixĩxũwa rü tũmacax nixĩ ya yíxema ñaa buxũgürüü ixĩgũxe."

Lúca 18:16

"... Penatü ya daxũgücü rü tama nanaxwae na wüxi i ñaa buxũ na iyarütaxuxũ."

Matéu 18:14

Nüétama ega texé quixĩxgu, rüexna ngextácüãx quixĩxgu. Ngechuchu rü cuxũ nangechaũ rü cuxcax nayu. Rü nanaxwae ta na nũxũ cungechaũxũ. Ngexguma naga cuxĩnũgu ya Ngechuchu rü nũxũ cunawex na nũxũ cungechaũxũ.

"Rü ngexguma aixcüma choxũ pengechaũgu, rü naga tá pexĩnüe i chorü mugü."

Cuáũ 14:15

24 ¿Ñuxãcü i Tupanana cungaicamaxũ?

1. ¡Ngechuchugagu Tupanana nangaicama!

“...Tupana rü wüxitama nixĩ. Rü ngexgumarüũ ta wüxitama nixĩ i taétüwa chogüxũ...Rü nüma nixĩ ya Ngechuchu....”

1 Timutéu 2:5

“...Nüxũ natauxchaxũ nax aixcüma tüxũ namaxẽẽxũ ya guxãma ya yíxema norü ngüxẽẽmaxa Tupanaxũtawa ngugüxe....”

Ebréugü 7:25

Ngechuchu rü ñanagürü: “...Rü texé ya choxũ yaxõgüxe rü taütáma tüxũ chaxoox.

Cuáũ 6:37

2. ¡Nüxũ ixu na cupecaduáxũ! (Tupanaga tama cuxĩnüxũ.)

“Rü guxãma tipecaduaxgü rü nüxna tayáxügugü ya Tupana ya tüxũ maxẽẽëcü.”

Dúmacüax 3:23

3. ¡Nüxũ rüxo i chixexũ!


“...Rü nüxũ perüxoe i pecüma
i chixexũ...na pexũ ínapiãxũcax
i perü pecádugü....”

Puracügü 3:19

“...Nüma ya Cori...rü tamaa
yaxna naxĩnü. Erü tama nanaxwae
na texé iyarütaxuxũ, natürü
nanaxwae i guxãma nüxũ
rüxoexũ i tümacüma i
chixexũ.”

2 Pedru 3:9

4. ¡Ngechuchumaxa nüxũ ixu i curü chixexũgü!



“...Ngexguma
chi Tupanamaa
nüxũ ixuxgu i
tórü pecádugü,
...rü nüma tüxũ
nüxũ inarüngüma
i tórü chixexũgü”


1 Cuáũ 1:9

26 ¡Rü ñaa wúyemaũgũgu naxümatü i 1 Cuáũ 1:9, rü yima
naxmex ya naátü i 25 -gu üxũneétügu ümatüxũ!

5. ¡Nüxũ rüxo i curü chixexũgü!

“Rü yíxema tümaarü chixexũ icúxe rü taxũtáma mexũ tüxũ
naxüpetü, natürü yíxema nüxũ ixuxe, rü nüxũ rüxoxe, rü Tupa-
na rü tá tüxũ nüxũ inarüngüma.” Ucuẽgü (Provérbios) 28:13

“¡Rü nüxna ixũgachi i ngema chixexũ, ...rü mexũ naxü!...”
Wiyaegü (Salmos) 37:27



“...Ngema Tupana pema
mecūmaxūgagu nixī i pexū
nangexma i maxū i taguma
gúxū yerū peyaxō...Tupana
nixī ga pexna naxāmarecū ga
yema. Rü tama tacū i mexū
pexūxūcax nixī...na nge-
maācū taxúema tūgū icuaxū-
ūxūcax.” Epéchiucūāx 2:8, 9

6. ¡Ngechuchuāxū yaxō! 27

“...Ngexguma cuaxmaax nūxū
quixuxgu na curū Cori yīxū ya
Ngechuchu, rü ngexguma cuāē-
wa cuyaxōxgu na yuwa Tupana
ínadaxēxū, rü tá cuxū nangex-
ma i maxū i taguma gúxū.”

Dúmacūāx 10:9

“...¡Nūxū yaxō ya Cori ya
Ngechuchu, rü tá cuxū nangex-
ma i maxū i taguma gúxū i cu-
max, rü guxū i cupatacūāx!”

Puracūgū 16:31

28 7. ;Guxũ i curũ maxũmaxa nayaxu ya Ngechuchu ya Cristu!



Cuwa nangexma na Ngechuchuna
cuxuxũ na curũ maxũwa nangexmax-
ũcax. Ngechuchu rũ ñanagürũ: “Rũ
dücax, choma rũ iãxwa changex-
maecha. Rũ ngéma: Tu tu tu ñacha-
rügüecha. Rũ ngexguma texé choxũ
ĩnügu rũ chauxcax tayawãxnagu, rũ
tá tũmaxũtagu chaxücu. Rũ tũmamaa
tá chachibũ rũ tũma i chomaax.”

Apocaríchiu 3:20

“Natürũ guxema nayauxgüxe, rũ
nũxũ yaxõgüxe, rũ tüxũ nanataux-
chaxẽẽ na Tupanaxacügü tixĩgüx-
ũcax.”

Cuáũ 1:12

Ega chi ũpaacũ taguma cuyumüxẽgu, rü cunaxwaegu i ngũxẽẽ, rü ñaa nixĩ i wüxi i yumüxẽ i curũ cuaxruxũ ixĩxũ:



Pa Chorũ Cori ya Ngechuchux,

Moxẽxũchi na curúchagu cuyuxũ naxcax ga chorũ pecádugũ. Rũ nüxũ charũxo, rü poraãcũ changechaũ ga na yema chixexũ chaxũxũ. Rũ cuxna naxcax chaca na guxũguma chorũ maxũwa cungexmaxũ. Rũ chayaxõ na cunamexẽẽxũ i chorũ maxũ. Rũ cuxũ chayaxu na chorũ Maxẽẽruxũ rü chorũ Cori na quixĩxũcax.

Cuégagu, Améũ.

30 Ngexguma chi Ngechuchu curü maxũwa ngexmagu rü cuxũ nangexma i maxũ i taguma gúxũ.

Tupana rü ñanagürü: "...Chomatama marü pexna chanaxã i maxũ i taguma gúxũ. Rü ñaa maxũ rü Chaunegagu pexũ nangexma."

1 Cuáũ 5:11

"...Yíxema choxũ irüxĩnũxe i chorü ore, rü nüxũ yaxóxe ya yima Chaunatü ya núma choxũ mucü, rü tüxũ nangexma i maxũ i taguma gúxũ.... Rü Chaunatü rü taxūtáma tümamaa nanaxuegu i poxcu...."

Cuáũ 5:24

"...Cristu rü pewa nangexma i ñuxmax, rü Nagaguxicatama nixĩ i pexũ nangexmaxũ i pechica i daxũguxũ i naanewa...."

Coróchacüãx 1:27

Ngexguma nüxũ cucuaxgu na Ngechuchu rü marü cuxũ nüxũ na inangümaxũ i curü chixexũgü, rü nüma rü curü Cori rü curü Maxẽeruxũ na yixĩxũ, rü ěcũ ;nuxa naxümatü i cuéga rü ñoma i ngunexũ ngexma naxũ!



¡Rũ wũxichigũ i ngunexũ rũ nawa nangux i Tupanaarũ Ore, rũ curũ maxũgu namaxa nanguxũ! ¡Rũ cuãẽgu naxũ i ngema, rũ ngema tá poraãcũ cuxũ narũngũxẽẽ!

“Rũ guxũma i Tupanaarũ Ore i ũmatũxũ rũ nũgũãẽwatama nana-yaxu ga Tupana. Rũ ngema Ore rũ name na duũxũgũxũ namaa ingúexẽẽxũ, rũ namaa yaxucux-ẽgũxũ, rũ namaa iyanawexãchix-ẽẽgũxũ, rũ namaa nangúexẽẽxũ na mea Tupanapewa namaxẽxũ-cax.”

2 Timutéu 3:16

¡Ngechuchumaxa idexa ngexũrũxũ i oragumare!

¡Ngechuchuna moxẽ naxã naxcax i guxũma i
mexũ! ¡Nũxũ icuaxũxũ naxcax i guxũma i mexũ i
cuxcax naxũxũ, rũ naxcax i ngema maxũ i cuxna
naxãxũ! ¡Naxcax ínaca i tacũ i cuxũ taxuxũ!
Ngechuchuégagu nayumũxẽ!

“... Rũ ngexguma tacũcax nũxna icaxgu, rũ
nũma tũxũ naxĩnũ i ngexguma norũ ngúchaũ
yixĩxgu i ngema naxcax nũxna icaxũ.”

1 Cuáũ 5:14

“... Name nixĩ i ... pegũcax peyumũxẽgũ...”

Chaũtiágu 5:16

“... ¡Naxcax peyumũxẽ i ngema duũxũgũ i
pexchi aixũ!”

Matéu 5:44



Yumüxê ga Ngechuchu norü ngúexũgũxũ nanguxêẽxũ.

33

“Pa Tonatü ya Daxũgucũx, rü aixcũma üü necü quixĩ i cumax. ¡Rü núma naxũ na torü ãẽxgacü quiĩxũcax! Rü tanaxwae i curü ngúchaũ na naxũgũxũ i duũxũgũ i ñoma i naanewa ngexgumarũũ i daxũgũxũ i naanewa na curü ngúchaũ ínaxũgũxũrũũ. ¡Rü toxna naxã i torü õna i ñoma i ngunexũcax ixĩxũ! ¡Rü toxũ nüxũ rüngũma i torü chixexũ i taxũxũ ngexgumarũxũ i toma rü tüxũ nüxũ tarüngũmaxũrũxũ ya yíx-ema chixexũ tomaa ügũxe! ¡Taxú i tacürü chixexũpewa toxũ cuwogũxũ na tama nagu tayixũcax! Natürü tanaxwae i toxna cudau na tama ngema chixexũ taxũgũxũcax. Erü cuma nixĩ i namaa icucuáxũ i guxũma, rü cuporaxüchixũ, rü maxũarü yora quixĩxũ. Rü aixcũma ngemaãcü nixĩ. Améũ.” Matéu 6:9-13

**Ñaa yumüxê rü ngema yaxõgũ rü wüxigu tagaãcü nanaxũgũ.
¡Cuãẽgu naxú!**

34 Ngema 10 i Tupanaarü mugü rü tuxũ nanguxẽẽ na ñuxãcü imaxẽxũ.

İxchiga (Éxodo) 20

Rü ngema nüxíraxũxũ i 4 i mugü rü tuxũ nanguxẽẽ na
ñuxãcü Tupanaxũ ingechaxũxũ.

1. “Tama chanaxwae i chopewa tacü i tomaxa cutupanaãx.”
2. “İTaũtáma i tacü cugücax cuxüxchicüna na ngemamaxa
cutupanaãxũcax...rü taxũtáma tacürü naxchicünapegu cuca
xápü rü nüxũ quicuaxũxũ!”
3. “İTaũtáma chauégamaxa cugü ícupoxũ ega tacürü dora cux
üxgu!”
4. “Ngema norü 7 i ngunexũgu rü tá icurüngũ, rü nagu tá choxũ
quicuaxũxũ.”

Ngema nawa yacuáxũ i 6 i mugü rü tüxũ nanguxẽẽ na 35
ñuxãcü yigü ingechaxũxũ.

5. “¡Tüxũ nangechaxũ ya cunatü rü cué!”
6. “¡Taũtáma cumáeta!”
7. “¡Taũtáma cuxmaechita nai i ngemaxa cumaxũ!”
8. “¡Taũtáma cungíxta!”
9. “¡Taũtáma doraxũ quixu i cumücüchiga!”
10. “¡Taũtáma cugüxũ cunangúchaxũxẽẽ ya cumücüpata...rü
bai i tacü i noxrü ixĩxũ!”

Ngexguma Tupanaga ixĩnügu rü tórü yumüxẽxũ nangãxũga.

“Rü nüma tá tüxna nanaxã i guxũma i tacü i naxcax ícaxũ erü
naga taxĩnüe i ngema tüxũ namuxũ rü tanaxü i ngema nüma
namaxa nataãẽxũ.”

1 Cuáũ 3:22

36 Ngema taxre i mugü i guxũarü yexera ixĩxũ:

1. ¡Tupanaxũ nangechaũ!

Rü ñanagürü ga Ngechuchu: “¡Rü nüxũ nangechaũ ya Cori ya curü Tupana guxũne ya curü maxũnemaax, rü guxũ i cuãemaax, rü guxũ i nagu curüxĩnũxũmaax!”

Matéu 22:37, 38

2. ¡Duũxũgũxũ nangechaũ!

—Rü ngema norü taxre i Tupanaarü mu...rü ñanagürü: “¡Nüxũ nangechaũ i cumücü ngema na cugü cungechaũxũrũxũ!”

Matéu 22:39



(1 Corítiucüãx 13:4, 5, 8, 13)

⁴“Rü yíxema aixcüma ngechaũ tüxũ ngexmáxẽ rü yaxna taxĩnü rü tamecüma. Rü tama tixãũxãchiwae, rü tama tügü ticuaxũxũ, rü tama tügüguxica tarüxĩnü. ⁵Rü tama taguxchigawae, rü tama tümaarü mexũcax tadau, rü tama tanuxwae, rü tama nagu tarüxĩnüecha ega texé chixexũ tümamaa üxgu. ⁶Rü tama namaa tataãxẽ i chixexũgü, natürü namaa tataãxẽ i ngema ore i aixcüma ixĩxũ. ⁷Rü yíxema aixcüma tümamücüxũ ngechaũxe, rü yaxna namaa taxĩnü rü guxũguma nüxũ tayaxõ, rü guxũguma mexũgu namaa tarüxĩnü, rü taguma naxchi taxai woo tacü tümamaa naxũxgu i tümamücü.”

38 ⁸“Rü ngema ngechaũ rü tagutáma inayacuax....
¹³Rü ñuxma rü nangexma i tomaepüx i nacümagü
i guxügucax ixixũ. Rü ngema nixĩ:

(1) Rü Tupanaãxũ tayaxõgü.

(2) Rü nüxũ ítananguxẽẽ na natáeguxũ ya Cristu.

(3) Rü nüxũ tacuax na tamücüxũ ingechaũxũ.

Natürü ngema tomaepüxtanüwa rü ngema naétüwa üxũ
nixĩ i ngema ngechaũ.”

Tupana rü ngechaũwecü nixĩ.

“...Rü yíxema aixcüma ngechaũ tüxũ ngexmáxẽ, rü
Tupanaarü duñxũ tixĩ, erü Tupana rü tümawa namaxũ.”

1 Cuáũ 4:16

**Ngechuchu rü nanaxwae na togümaxa
nüxũ quixuchigaxũ.**

39

(cuchiüwa, rü esclawawa, rü
tupaucawa, rü guxüwama)



**Ngechuchu rü ñanagürü
nüxũ:** “¡Cuchiüwa naxũ rü
cutanüxümaxa nüxũ yarüxu i
guxüma i ngema cuxcax
naxüxũ ya Cori ya Tupana,
rü ñuxâcü nüxũ na
cungechaütümüxũ!”

Márcu 5:19

**40 Ñuxãcü nüxũ tacuax i wüxi i duũxũ
i aixcüma Tupanaxacü ixĩxũ.**

“...Nacümwá tá nüxũ pecuax nax aixcüma Tupanaarü
duũxũgü yixĩgüxũ.” Matéu 7:20

“...Rü yíxema Tupanaãxẽ tümawa ngexmáxẽ, rü tange-
chaxũwae, rü tataãxẽ, rü tama aigu tarüxĩnü, rü yaxna tümá-
mücümaax taxĩnü, rü tangũxẽẽwae, rü tamecüma, rü Tupanaãxũ
tayaxõ, rü tama tügü ticuaxüxũ, rü tügümaa mea itacuax....”
Gáratāanecüãx 5:22, 23

**Yíxema aixcüma Tupanaxacü ixĩxẽ rü togueãxũ nüxũ
tangechaũ i tümäärü chixexũ i tümamāxa taxüxũ.**

“Rü ngexguma pema nüxũ nüxũ iperüngümagu i ngema
duũxũgü i chixexũ pemaa ügüxũ, rü Penatü ya daxũgücü rü tá
ta pexũ nüxũ inarüngüma i perü pecádugü.” Matéu 6:14



Taxü nearü ngúchaũ:

41

“...Nai i ngemaa tamaxü, rü tupanane-tachicünagüxü ticuaxüxü, rü taxüxpe-wae, rü taxaixwae, rü tanuxwae, rü tachoxügawae, rü taxãũachiwae, rü tamáetawae, rü tangãxwae, rü peta taxügüecha....” Gárataanecüãx 5:19-21

“...Rü yatügü i naxrüü yatüxümaa ngeãëxü, rü ngítaaxgüxü,...rü ngema duüxügü i nügünaxica nanuxãchixü i norü ngemaxügü....”

1 Corítiucüãx 6:9, 10

¡Ngechuchuna cugü naxã na cuxü namexëëxücax, rü Naãxē i Üünexümaxa çuxü napaxëëxücax!

“...Ñuxma ya Tupana rü marü pexü ínanapi i perü chixexü na noxrüx-icatama pixĩgüxücax...rü aixcüma napewa pime yerü Naãxē i Üünexü rü tórü Cori ya Ngechuchuégagu marü perü pecáduna pexü ína-nguxüxëë.”

1 Corítiucüãx 6:11



(¡Nüxũ nadaumatü i
Lúca 16:19-26!)

¡Rü mea Ngechuchuãxũ
yaxõ, rü nūma rü Maxũarũ
Poperagu tá nanaxūmatü i
cuéga!

“Rü guxema ingeégaxe
ga Tupanaarũ popera i ma-
xũpanewa rü naxtaa ga
üxūmaa iyaurachiūnewa
tawoũ.”

—Apocaríchiu 20:15

Ngechuchugaguxicatama tá nixĩ i Tupanaxũtawa ingugũxũ.

43

“...Chomatama marũ pexna chanaxã i maxũ i taguma gúxũ. Rü ñaa maxũ rü Chaunegagu pexũ nangexma.” 1 Cuáũ 5:11

“Rü ngema natanũ na pecádu ixũxũ, rü yu nixĩ. Natürũ yíxema...Ngechuchuãxũ yaxõgũxe, rü Tupana tũxna nanaxãmare i maxũ i taguma gúxũ.” Dúmacũãx 6:23

“Rü yíxema Tupana Naneãxũ yaxõxẽ rü tũxũ nangexma i maxũ i taguma gúxũ. Natürũ yíxema tama nüxũ yaxõxchaũxe ya Tupana Nane, rü taũtáma tũxũ nangexma i ngema maxũ i taguma gúxũ....” Cuáũ 3:36

Ngechuchu rü ñanagürũ: “...Choma nixĩ i ngema nama i Chaunatũxũtawa nadaxũ chiĩxũ. Rü aixcũma nixĩ i ngema ore i nüxũ chixuxũ. Rü choma nixĩ i duũxũgũxũ chamaxẽxẽxũ. Rü chaugaguxicatama nixĩ i Chaunatũxũtawa nangugũxũ i duũxũgũ.” Cuáũ 14:6

44 Daxūguxū i naane rü aixcūma nangexma.



Rü yexguma Cuáũ ngoxetügu rü nüma nüxū nadau ga wüxi ga daxūguxū i naane, rü wüxi ga ñoma i naane i ngexwacāũxū.

“Rü nüma tá ínanapi i naxgüüetü... Rü marü taütáma texé tayu, rü texé tangechaũ, rü texé ngechaũgaãcü taxaxu, rü texé ngúxū tingegü. Erü guxūma i ngema ngúxū rü marü inayarüxo... rü dücax, choma rü chanangex-wacaxūxē i guxūma i tacü ingexmaxū...”

Apocaríchiu 21:4, 5

Cuáũ rü nüxū nadau ta ga wüxi ga ñane ga üünene. Rü yima nixĩ ya Yerucharéũ ya ngex-wacaxüne, rü Tupanaxūtawa ne naxū. “...Rü nümatama ga guma ñane rü uirunaxcax nixĩ. Rü ñoma woruaruũ niyauracüü. Rü guma nutagü ga itacü ga norü poxeguxūpara ixīgücü, rü nagúxūraücü ga nuta ga imexēchicūmaa nangaxāē...”

Apocaríchiu 21:18, 19

Ngechuchu rü daxûwa naxû na namexêẽãx- 45
ũcax ya tümachiũ ya yixema nüxũ yaxõgüxe.

“¡Taxũ i penaxixãchiãẽgüxũ i pemax! ¡Tupanaãxũ peyaxõgü rü choxũ rü ta peyaxõgü! Chaunatüxũtawa nangexma i mux-
ũchima i nachicagü. . . . Rü ngexguma marü ngéma chaxũxgu
rü wüxi i pechica chamexêẽxgu, rü wena táxarü núma chaxũ.
Rü pexũ tá chayagagü na ngema nachica i chomatátama nawa
changexmaxûwa na pengexmagüxũcax.” Cuáũ 14:1-3

**¡Rü togümaxa nüxũ ixu i ñaa
mexũ i ore i ngexwacaxũxũ!**

Ngechuchu rü ñanagürü: “¡Guxũ i naanewa pexĩ rü guxũ i
duũxügümaax nüxũ peyarüxu i ore i mexũ!” Márcu 16:15

“...Tagutáma cuxna chixũ, rü tagutáma cuxũ íchatax....”

Ebréügü 13:5

“Rü nūmarü tá norü duũxügü i daxücüãxũ namu na cuxna nadaugüxũcax i ngextá ícuxũxüwa.”

Wiyaegü (Salmos) 91:11

“...Guxügutáma pexütawa changexmaecha ñuxmatáta nagú i naane....”

Matéu 28:20

“¡Rü taxú i cumuũxũ naxcax i ngema ngúxũ i tá quingexũ!...rü chanaxwae i choxũ cuyaxõõma ñuxmatáta cuyux. Rü choma rü tá cuxna chanaxã i curü ãmare i maxũ i taguma gúxũ.”

Apocaríchiu 2:10

“¡Choxna naca rü choma rü tá cuxũ changãxũ!...”

Yeremía 33:3



Guxũma i yuexũ rü tá ínarüdagũ.

“...Tá ínangu i ngema ngunexũ i nagu guxũma i duũxũgũ i yũexũ rü tá nüxũ naxĩnüe i chauga. Rü naxmaũgũwa tá ínachoxũ. Rü ngema mea maxẽxũ, rü tá ínarüdagũ na nayauxgũãxũcax i maxũ i taguma gúxũ. Natürü ngema chixexũ ügũxũ, rü tá ínarüdagũ na napoxcuexũcax.”

Cuáũ 5:28, 29

Yíxema Cristugu yuexe rü tüxíra tá ítarüdagũ.

“Rü ngema wena i yixema na imaxẽxũ rü Tupa-na tá wüxigu caixanexũgu tüxũ nigagũ namaa i ngema duũxũgũ i yuewa írüdagũxũ. Rü ngemaãcü tá daxũgu...Ngechuchuxũ tayangaugũ na gux-ũgutáma naxũtawa ingexmagũxũcax.”

Techarónicacũãx 4:17

“...¡Ípedaue rü pexuãẽgũ! Erü tama nüxũ pecuax i tacürü ora tá íchangu i chomax!”

Márcu 13:33



48 ¿Ñuxãcü tá numa naxũ ya Ngechuchu?

“Rũ dücax, marũ ningaica na caixanexũgu ínanguxũ ya Cristu! Rũ guxũtáma i duũxũgũ nüxũ nadau....” Apocaríchiu 1:7



¿Rũ pexũãëgũ naxcax i ngema Cristugüneta ixĩgũxũ, rũ orearũ uruxũgüneta ixĩgũxũ!

“Rũ ngexguma texé pexũ ñagũgu: —Dücax, daa nixĩ ya Cristu —ñagũgu, rüexna: —gua nixĩ ya Cristu —ñagũgu, rũ tama name i nüxũ peyax-õgũ.” Matéu 24:23, 26

Ngürüãchimare tá caixanexũgu numa naxũ ya Ngechuchu.

“Erũ ñoma wüxi i baixbexane i guxũwama nangóonexëëxürũ tá nixĩ i ngexguma wenaxarũ núma chaxũxgu i chomax i Tupana Nane na duũxũxũ chixĩxũ. Rũ guxũ i nachiũanecüãx tá nüxũ nadaugũ na ñuxãcü daxũwa ne chaxũxũ.... Rũ ãëxgacũ ya poraxüchicũ rũ mexëchicũ tá chixĩ.” Matéu 24:27, 30

Tórü Daruũchiga

Wiyaegü (Salmo) 23

¹Rü nüma ya Cori ya Tupana rü chorü dauruxũ nixĩ rü taxuxũma choxũ nataxu. ²Rü mexũ i nachicagu choxũ narüngũxẽẽ rü mechiũxũ i natüwa choxũ naga. ³Rü ngexguma chaturagu rü choxũ naporaxẽẽama, rü mexũ i namawa choxũ naga na ngemaãcü natachigaxũcax i naéga. ⁴Rü woo tacürü aũcũmaxũ i taxũwa chaxüpetügu, rü taxucaxma chamuũ erü cuma Pa Cori Pa Tupanax, rü chauxütawa cungexma. Rü yima curü naixmenamaa mexũ i namawaama choxũ cuxũxẽẽ, rü curü caxüruxũmaa choxũ ícupoxũ. ⁵Rü mexũ i õna chauxcax cumexẽẽ napewa i chorü uwanügü rü pumáramaa choxũ cubaeru. Rü nangupetüxüchi i ngema curü ngũxẽẽ i choxna cuxãxũ. ⁶Rü guxũ i ngunexũgu rü chomaa cumecüma rü cuxũ changechaxütümüxũ. Rü ngemacax, Pa Corix, rü cupatawa tá changexmaecha rü guxũgutáma cuxütawa chamaxechea.

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**

Gratis – No debe venderse

World Missionary Press, Inc.
PO Box 120
New Paris, IN 46553-0120 USA
www.wmpress.org

6-26



Read booklets online or by App
www.wmp-readonline.org
2261 Ticuna (Peru) WTG